

Grad Novi Pazar

Skupština grada

Odbornička grupa SDA Sandžaka

Novi Pazar

10. maj 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O REALIZACIJI PROJEKTA „STOMATOLOŠKA ORDINACIJA ZA OSOBE SA INVALIDITETOM“** („Službeni list grada Novog Pazara“, broj 5/22), sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 10. maj 2023. godine.

Ovlašćeni predstavnik predlagača je odnornik dr. Hanadi Hajdinović

Predsjednik odborničke grupe

Mr Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 10. maja 2023. godine, donosi

O D L U K U

O REALIZACIJI PROJEKTA „STOMATOLOŠKA ORDINACIJA ZA OSOBE SA INVALIDITETOM“

(„Službeni list grada Noovg Pazara“, broj 5/22)

Član 1.

Skupština grada konstatuje da Gradonačelnik i Gradsko vijeće nisu realizovali Odluku o prihvatanju peticije građana Novog Pazara za realizaciju projekta “Stomatološka ordinacija za osobe sa invaliditetom”, (“Službeni list grada Noovg Pazara“, broj 5/22).

Član 2.

Skupština grada obavezuje Gradonačelnika i Gradsko vijeće da u roku od 15 dana od dana donošenja ove odluke pristupe realizaciji Odluke o prihvatanju peticije građana Novog Pazara za realizaciju projekta “Stomatološka ordinacija za osobe sa invaliditetom”, (“Službeni list grada Noovg Pazara“, broj 5/22).

Gradonačelnik i Gradsko vijeće dužni su, Skupštini grada, podnijeti službeni izvještaj o početku realizacije projekta iz stava 1. ovog člana

U slučaju ne postupanja Gradonačelnik i Gradskog vijeća po ovoj odluci, Skupština grada će u skladu sa svojim zakonom propisanim nadležnostima izvršiti smjenu Gradonačelnika i članova Gradskog vijeća.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 10. maj 2023. godine

PREDSJEDNIK

Dr. Anela Šemović

O B R A Z L O Ž E N J E:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Skupština grada Novog Pazara na sjednici održanoj 12. septembra 2022. godine donijela je Odluku o prihvatanju peticije građana Novog Pazara za realizaciju projekta “Stomatološka ordinacija za osobe sa invaliditetom”, (“Službeni list grada Noovg Pazara“, broj 5/22). Članom 2. navedene odluke utvrđeno je da se ista ima realizovati do 31. decembra 2022. godine. Dok je članom 3. propisano da će Gradonačelnik i Gradsko vijeće grada Novog Pazara preduzeti sve potrebne radnje i osigurati finansijske, tehničke, prostorne, kadrovske i druge potrebne uslove, radi obezbjeđivanja adekvatnog stomatološkog zbrinjavanja lica sa invaliditetom na teritoriji grada Novog Pazara”.

Imajući u vidu da je rok za izvršenje ove odluke istekao, a da ista nije sprovedena niti je započeta realizacija navedene odluke Skupština grada ima obavezu da na predloženi način, odnosno putem ove odluke, zaštititi interese najranjivije društvene grupe stanovnika i njihovih porodica.

Odluke Skupštine grada su obavezujuće, shodno tome donošenje ove odluke značajno je i sa aspekta kontrole rada izvršnih organa Grada Novog Pazara a posebno kada se radi o osjetljivim društvenim pitanjima i o ispunjavanju obaveza prema najosjetljivijim društvenim grupama. Značaj donošenja ove odluke ogleda se i u tome da je skoro 5000 građana Novog Pazara svojom peticijom zahtjevalo realizaciju projekta “Stomatološka ordinacija za osobe sa invaliditetom”.

Imajući u vidu naprijed navedeno, Skupština grada je ovom odlukom u cilju zaštite interesa građana, zakonitosti i svog političkog i pravnog kredibiliteta utvrdila da će preduzeti zakonom propisane mjere u cilju sankcionisanja neodgovornog i nezakonitog odnosa Gradonačelnika i Gradskog vijeća prema Skupštini grada i građanima Novog Pazara.

Objašnjenje pojedinačnih rješenja propisanih ovom odlukom:

Član 1: Skupština grada konstatuje da Odluka o prihvatanju peticije građana Novog Pazara za realizaciju projekta "Stomatološka ordinacija za osobe sa invaliditetom", ("Službeni list grada Novog Pazara", broj 5/22), nije realizovana.

Član 2: Ovim članom Skupština grada utvrđuje rok za početak realizacije ranije usvojene odluke, obavezu izvještavanja o početku izvršenja navedene odluke kao i sankcije u slučaju ne postupanja po odluci Skupštine grada.

Član 3: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje obezbediće se iz budžeta grada Novog Pazara.